

四庫全書

子部

欽定四庫全書

子部

玉海卷一百二十八

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣王會燕

欽定四庫全書

玉海卷一百二十八

宋 王應麟 撰

官制

儲官

訓導東宮事附

賈誼作保傅傳其言有曰天下之命繫於太子太子之善在於早諭教與選左右教得而左右正則太子正太子正而天下定矣此天下之至言萬世不可易

之定論也。至論教諭之方，必以孝仁禮義為本，而條目之詳，至於容貌詞氣之微，衣服器用之細，纖悉曲折，皆有法度。一有過失，則史書之策，牢徹其膳，而又進善之旌，誹謗之木，敢諫之鼓，替史誦詩，工誦箴，諫士傳民語，必使至於化與心成。中道若性，而猶不敢怠其選左右之法，則有三公之尊，有三少之親，有道有充，有弼有承，上之必得周公、太公、召公、史佚之流，乃勝其任。下之猶必取孝悌博聞有道術者，不幸

一有邪人廁其間則必逐而去之是以太子朝夕所  
與居處出入左右前後無非正人未嘗見一惡行此  
三代之君所以有道之長也當誼之時已病此法之  
不備然致孝昭之詔猶知誦習誼之所言而不忘失  
王之意降及近世帝王教子之法益疎略矣

周三公三少 二傳 四輔

漢賈誼傳

新書大戴禮  
保傳篇同

昔者成王幼在襁褓之中召公

為太保周公為太傅太公為太師保保其身體傅傅之

德義師道之教訓此三公之職也於是為置三少皆上大夫也曰少保少傅少師是與太子宴者也故乃狹提有識三公三少因明孝仁禮義以道習之逐去邪人不使見惡行於是皆選天下之端士孝悌博聞有道術者以衛翼之使與太子居處出入故太子迺生而見正事聞正言行正道左右前後皆正人也及既冠成人免於保傅之嚴則有記過之史徹膳之宰云云 文王世子凡三王教世子必以禮樂禮樂交錯於中發形於外是

故其成也擇恭敬而溫文立太傅少傅以養之欲其知

父子君臣之道也太傅審父子君臣之道以示之少傅

奉世子以觀太傅之德行而審喻之

太傅以身教少傅以言教

太傅

在前少傅在後

在學時

入則有保出則有師

燕居出時

是以

教喻而德成也

以有四人維持之

師也者教之以事而喻諸德

者也

天下無事外之德

保也者慎其身以輔翼之而歸諸道也

天下無身外之道

記曰虞夏商周有師保有疑丞設四輔及三

公不必備唯其人語使能也君子曰德德成而教尊教

尊而官正官正而國治世子之記曰朝夕至于大寢之門外云云 大戴禮保傳篇明堂之位曰篤仁而好學多聞而道順天子疑則問應而不窮者謂之道道者導天子以道者也常立於前是周公也誠立而敢斷轉善而相義者謂之充充者充天子之志也常立於左是太公也絜廉而切直正過而諫邪者謂之弼弼者弼天子之過者也常立於右是召公也博聞彊記捷給而善對者謂之承承者承天子之遺忘者也常立於後是史佚



也故成王中立而聽朝則四聖維之是以慮無失計舉  
無過事殷周之長久其輔翼天子有此具也注立道於  
前處承於後置充於左列弼於右順名義也道者有疑  
則問或謂之疑充者輔善或謂之輔 通典太子師保  
二傳殷周已有

太傅少  
傳也

後漢楊終傳禮制人君之子

年八歲為置少傅教之書計以開其明十五置太傅教  
之經典以道其志 樊準傳上疏曰賈誼有言人君不  
可以不學故雖成王賢主崇明師傅 唐于志寧傳周

王升儲見正毛畢漢帝居震取資黃綺姬旦抗法於伯禽賈生陳事於文帝莫不殷勤於端士懇切於正人

周世子齒於學 學正 父師

文王世子仲尼曰昔者周公攝政踐阼而治抗世子法於伯禽使之與成王居欲令成王之知父子君臣長幼之義也行一物而三善皆得者唯世子而已其齒於學之謂也故世子齒於學國人觀之曰將君我而與我齒讓何也曰有父在則禮然然而衆知父子之道矣其二

曰有君在則禮然然而衆著於君臣之義矣其三曰長長也然而衆知長幼之節矣父子君臣長幼之道得而

國治語曰樂正司業父師司成一有元良萬國以貞世

子之謂也

文王世子又云其登  
餽獻受爵則以上嗣

文選王融曲水詩序

入虎闈而齒胄李善注蔡邕明堂月令論曰周官有門

闈之學

周禮諸子

下大夫  
二人

掌國子之倖國有大事則

帥國子而致於太子唯所用之郊特牲天子之元子

士也天下無生而貴者也

晉閻瓚云按古典太子  
居以士禮與國人齒

周庶子官

又見宗官類

燕義周天子之官有庶子官

注庶子猶諸子也周禮諸子之官司馬之屬

職

諸侯卿大夫士之庶子之卒掌戒令教治別其等正其位國有大事則率國子而致於太子唯所用之凡國之政事國子存游卒使之修德學道春合諸學秋合諸射以考其藝而進退之夏官諸子下大夫二人注或曰庶子燕禮有庶子官疏天子謂之諸子諸侯謂之庶子文王世子古者庶子之官治而邦國有倫衆鄉方矣

康誥外庶子訓人注在外掌衆子之官主訓民者疏  
即周官云諸子文王世子云庶子也以致教諸子故為  
訓人周禮諸子之官亦是王朝之臣言在外者對父子  
兄弟為外惟舉庶子之官者以其教訓公卿子弟最為  
急也鄭玄以訓人為師長

晉太傅 楚師保傳

諸侯世子

晉語羊舌肸習於春秋以為太傅

平公

文公謂胥臣

曰吾使陽處父傳驪也其能善之乎曰是在驪也昔文

王在傅弗勤處師不煩事王不怒敬友二虢而惠慈二  
蔡及其即位也詢于八虞而咨于二虢度于閼天而謀  
于南宮諏于蔡原而訪于辛尹重之以周召畢榮是則  
文王匪專教誨之力也

賈誼新書周文王使  
太公望傳太子發

楚語鍾

儀曰其為太子也師保奉之以朝于嬰齊而夕于側也

共

王莊王使士亹傳太子蒧

恭王名

曰賴子之善善之也對

曰夫善在太子問於申叔時叔時曰教之春秋教之世  
教之詩禮樂教之令教之語教之故志教之訓典教備

而不從者非人也 秦亦有太子師傅 趙使周紹傳  
王子曰詩云立傳以行教少以學義之經也

漢太子太傅 少傅 家令 門大夫 先馬

中庶子 舍人 侍講 詹事

表太子太傅少傅古官屬官有太子門大夫庶子

應劭曰皆

員五人秩六百石

燕禮獻庶子于阼階上注世子之

官也

史記號有中庶子

秦中庶子蒙

環濟要略曰

庶子主官中嬖八次八舍之職

先馬

張晏曰員十六人秩比謁者如淳曰

前驅也國語曰踐親

為夫差先馬或作洗

舍人詹事秦官掌皇后太子家有

丞應劭曰詹省也給也臣瓚曰茂陵書秩真二千石師古曰皇后太子各置屬官有太子率

更家令丞僕中盾衛率厨廩長丞

張晏曰太子稱家故曰家令臣瓚曰茂陵

中書家令秩八百石應劭曰中盾主周衛徹道秩四百石如淳曰漢儀注衛率主門衛秩千石師古曰掌知漏刻故曰率更以上皆太子之官續志太子太傅職掌輔導太子禮如

師不領官屬

選注引應劭漢官儀曰太子太傅丞庶玉賁宋志後漢省詹事太子官屬悉屬少

傅而太傅不復領官屬少傅二千石以輔導為職悉主太子官屬

漢官曰員吏十二人門大夫六百石

漢官曰門大夫二人選四府掾屬

職比郎將

舊有左右戶將別主左右戶直郎建武以來省之庶子



四百石無員如三寺中郎洗馬比六百石員十六人職

如謁者太子出則當直者在前導威儀

選郎中補  
輿服志尚書

陳忠奏門大夫職如諫大夫洗馬職如謁者故皆服其服先帝之舊也門大夫冠兩梁進賢洗馬冠高山舍

人秩二百石無員更直宿衛如三寺郎中

漢官曰十三人選良家子

中庶子六百石五人職如侍中率更令一人千石主

庶子舍人更直職似光祿家令一人千石主倉穀飲食

職似司農少府

晁錯傳注臣瓚曰茂陵中書太子家令秩八百石

僕一人千石

主車馬職如太僕中盾一人四百石主周衛徼循

哀帝由定

陶王為太子數遣中府衛率一人四百石主門衛殿長  
請問近臣注省讀曰允

一人四百石主車馬倉令一人六百石主倉穀食官令

一人六百石主飲食並屬少傅

凡初即位未有太子官屬皆罷唯舍人不省領

府屬少

太傅叔孫通張相如石奮慶衛綰丙吉蕭望之

嚴彭祖疏廣卜式黃霸林尊師丹夏侯勝韋元成

後漢張湛張佚王丹杜喬

少傅留侯王臧疏廣受周堪張譚匡衡夏侯建

千秋後漢桓榮馬張興王丹

家令 晁錯疏受

以賢良舉

洗馬

汲黯

孝景時為太子洗馬以嚴見憚

司馬安

中庶子

史丹

元帝為太子時

王商

以庸敬稱

馮野王金敞歐陽

地餘

以書授太子

劉軼

昆之子永平中

庶子

王生蕭育傅喜

舍人

周仁晁錯鄭當時公孫賀聞人通

漢以舍人論石渠

董賢侯霸

成帝時

袁良

平帝時

淳于恭子孝

肅宗時

袁敞黃

瓊

詹事

宋時寶嬰壺遂

深中萬行

孔霸馬官鄭莊韋賢許

商

門大夫

晁錯孟但

廣川受易為太子門大夫

金欽

舉明經為門大夫

惠帝紀太子御駢乘賜爵五大夫舍人滿五歲二級

列傳張良上謂子房彊卧傳太子上欲易太子良及

叔孫太傅諫不聽及宴置酒太子侍四人者從太子年

皆八十餘須眉皓白衣冠甚偉上迺驚曰煩公幸卒調

護太子

吳張儉曰高祖初基引張良叔孫通出為師保入與朝政梁明山賓等曰昔漢惠為太子高

祖因教蕭曹張陳同吾時人皆加殊敬

石奮文帝選可為傳者皆推奮

為太子太傅

張歐孝文時以治刑名侍太子 晁錯

受尚書伏生所詔以為太子舍人門大夫遷博士上書

言皇太子所讀書多矣而未深知術數願擇聖人之術

可用今世者以賜太子上善之於是拜太子家令太子

家號曰智囊

服虔曰太子稱家

疏廣地節二年立皇太子選

丙吉為太傅廣為少傅

遷太傅

平思侯白使其弟舜監護

太子家上以問廣曰太子國儲副師友必天下英俊不宜獨親外家且太子自有太傅少傅官屬已備今復使辟護太子家視陋非所以廣太子德於天下也上善其言

順帝立太子居承光宮以侍御史种暘監護

疏受以賢良舉為太子家

令好禮恭謹敏而有辭宣帝幸太子宫受迎謁應對及置酒宴奉觴上壽辭理閒雅上甚驩悅頃之拜為少傅太子每朝因進見太傅在前少傅在後父子並為師傅朝廷榮之在位五歲皇太子年十二通論語孝經遂上

疏乞骸骨歸觀者皆曰賢哉二大夫 嚴彭祖遷太傅  
廉直不事權貴 蕭望之為太傅以論語禮服授皇太  
子元帝詔曰國之將興尊師而重傳望之傳朕八年道  
以經術厥功茂焉 周堪為少傅以孔霸為太中大夫  
授太子 張敞元帝即位鄭朋薦敞先帝名臣宜傳輔  
太子上以問蕭望之望之以敞非師傅之器 王褒宣  
帝令褒等虞侍太子朝夕讀誦奇文 史丹元帝以丹  
舊臣皇考外屬詔丹護太子家贊曰丹之輔道副主掩

惡揚美雖宿儒達士無以加焉 儒林傳平帝時增元

士之子得受業如弟子歲課乙科二十人為太子舍人

袁良平帝時舉明  
經為太子舍人

後傳班彪建武十九年東宮初建

師保多闕彪上言漢興太宗使鼂錯道太子以法術賈

誼教梁王以詩書及至中宗亦令劉向王褒蕭望之周

堪之徒以文章儒學保訓東宮以下莫不崇簡其人就

成德器今皇太子雖結髮學問而傅相未置賢才宜博

選名儒有威重通政事者以為太子太傅東宮及諸王



國備置官屬舊制太子食湯沐十縣設周衛交戟五日  
一朝因坐東箱省視膳食其非朝日使僕中允旦旦請  
問而已明不媒黷廣其敬也上納之 桓榮建武十九  
年顯宗始立為皇太子選求明經擢榮弟子豫章何湯  
為虎賁中郎將以尚書授太子世祖問湯本師為誰曰  
沛國桓榮帝即召榮令說尚書甚善之拜為議郎賜錢  
十萬使入授太子帝常令榮止宿太子宮積五年榮薦  
門下生九江胡憲侍講乃聽得出旦一入而已榮嘗病太

子朝夕遣中傳問病後愈復入侍講二十八年大會百官詔問誰可傳太子者皆言太子舅陰識可博士張佚正色曰今陛下立太子為陰氏子為天下乎帝稱善曰置傳以輔太子也今博士不難正朕況太子乎即拜佚為太子太傅而以榮為少傅賜以輜車乘馬 張興習梁丘易永平十年拜太子少傅顯宗數訪問經術桓焉安帝永寧中為太子少傅贊曰父子兄弟代作帝師

漢授太子經 侍講

儒林傳武帝詔太子受公羊春秋太子既通復私問穀

梁而善之 列傳蕭望之為太傅以論語禮服授皇太

子 歐陽高孫地餘以太子中庶子授太子尚書 孔霸

宣帝時為大中大夫以選授皇太子經霸治尚書 遷詹事元

帝即位以師賜爵號褒成君 張禹初元中立皇太子

而博士鄭寬中以尚書授太子嚴然慈五經之助論立師傳之顯位谷永云

薦言禹善論語詔令禹授太子論語 後傳劉昆受

施氏易建武二十三年為光祿勳令入授皇太子及諸王小侯五十餘人子軼傳昆業永平中為太子中庶子桓榮弟子何湯以尚書授太子世祖復召榮令說尚書榮薦門下生胡憲侍講榮為少傅以太子經學成畢上疏謝曰臣師道已盡皆在太子謹遣掾臣汜再拜歸道太子報書曰莊以童蒙學道九載而典訓不明云云三十年拜為太常顯宗即位尊以師禮乘輿嘗幸太常府令榮坐東面設几杖會百官東平王蒼以下及榮

門下數百人天子親自執業每言輒曰太師在是 鍾  
興受嚴氏春秋光武召見問以經義善之遷左中郎將  
詔令定春秋章句去其復重以授皇太子又使宗室諸  
侯從興受章句封關內侯興以無功不受帝曰生教訓  
太子及諸王侯非大功邪興曰臣師丁恭於是復封恭  
興終不受爵 邳惲光武令惲授皇太子韓詩侍講殿  
中 包咸舉孝廉為郎中建武中入授皇太子論語又  
為其章句永平五年遷大鴻臚每進見錫以几杖經傳

有疑輒遣小黄門就舍質問顯宗以咸有師傅恩而素清苦常特賜珍玩子福拜郎中亦以論語入授和帝

鄭衆建武中皇太子及山陽王因梁松以繅帛聘衆欲

為通義引籍出入殿中衆辭不受

桓郁

榮子

以虎賁中

郎將永平十五年入授皇太子經遷越騎校尉詔敕太

子諸王各奉賀致禮郁數進忠言多見納錄

張酺

字孟侯永平九年置五經師酺以尚書教授數講於

御前除為郎賜車馬衣裳遂令入授皇太子為人質直

守經義每侍講閒隙數有諫正之辭以嚴見憚

太子家時為奢

侈物未嘗不正諫

酺出後帝每見諸王師傅常言張酺前入侍

講屢有諫正閭閻惻惻有史魚之風元和二年幸東郡  
引酺及門生並會庭中帝先備弟子之儀使酺講尚書  
一篇而後修君臣之禮 召馴建初元年以韓詩遷騎  
都尉侍講肅宗拜左中郎將入授諸王帝嘉其義學

曹騰侍皇太子書

漢思賢苑

文帝

博望苑

武帝

龍樓門

見後

漢保傅傳

又見前

見傳類 新書有傳職保傅容經胎教四篇大戴禮之  
保傅蓋錯出諸此 蔡邕明堂論引禮記保傅篇

漢皇太子生賦

洞簫賦

見前

枚臯傳武帝春秋二十九乃得皇太子羣臣喜臯與東  
方朔作皇太子生賦及立禋祀 生禋作賦步障裁詩  
並太子生日事 魏陳王植皇子生頌夏侯元皇嗣賦



見初學記

漢四章歌詩

崔豹古今注曰重光月重輪羣臣為漢明帝所作也明帝為太子樂人作歌詩四章以贊太子之德一曰日重

光二曰月重輪三曰星重輝

六帖作  
山重輝

四曰海重潤漢末

其二章亡舊說云天子之德光明如日規輪如月衆輝如星沾潤如海太子皆比德焉故云重梁劉孝威重

光詩戴暭月重輪行

漢太子謁廟

輿服志安帝立皇太子太子謁高祖廟世祖廟門大夫  
從冠兩梁進賢洗馬冠高山侍御史任方奏請非乘從  
時皆冠一梁不宜以為常服事下有司尚書陳忠奏門  
大夫職如諫大夫洗馬職如謁者故皆服其服先帝之  
舊也方言可寢奏可

謁者古者  
一名洗馬

魏贊述太子賦

魏志注魏略曰卞蘭獻賦贊述太子德美太子報曰作

者不虛其辭受者必當其實此賦豈吾實哉 藝文類  
聚載贊述太子賦曰著典憲之高論作叙惟之麗詩道  
無深而不測術無細而不數乃作頌曰明明太子既獻  
且聰博聞強記聖思無雙猗之左右如虎如龍八俊在  
側旁無諛凶研精書籍留思異同表曰所作典論及諸  
賦頌沈思泉涌華藻雲浮博納多容海濔岳峙 梁  
蕭曄獻儲德頌

魏二傳 四友

漢魏故事太子於二傅執弟子禮文帝為太子涼茂為

太傅何夔為少傅謂之二傅六典注魏置太子文學

魏武為丞相司馬懿為文學掾與陳羣吳質朱鑠並為世子

所信號為太子四友吳太子登四友左輔諸葛恪右

譚翼正梁簡文居監撫安陸侯畢與新渝映建安闕

南浦推並預密宴號東宮四友魏文帝在東宮太祖

曰荀公達人之師表當盡禮敬太子獨拜牀下

晉華常以選為太子賓友漢任疏廣晉選山濤

少傳

晉二傳 六傳

紀兼傳武帝泰始三年正月丁卯立皇子衷為皇太子惠帝

三月丁未以李憺為太子太傅魏明帝以後久曠東宮

制度廢闕詹事左右率庶子中舍人諸官並未置唯置

衛率令典兵二傳并攝衆事晉初東宮不置詹事事由一傳命諸公居之太康

初衛雅以司空領少傳山濤少傳齊王攸太傳獻歲任愷為少傳護太子傳立有少傳歲惠帝

太熙元年八月壬午立廣陵王通愍懷太子為皇太子愍懷

建宮備六傳之職何欲為太子太師

避景帝諱改為師

王戎太

傅楊濟太保裴楷少師楊珧少傅

一作張華為少傅

和嶠少保

晉公卿禮秩曰時號太子六友

永平元年劉寔

元帝

太興元年正月庚午立子紹為皇太子

明

帝賀循太傅

王

代之周顗少傅

置二傳而無師保選注山海經事曰保傅不可不高天下

太寧初荀勗領太傅

之還羊祜克已復禮東宮少事養德而已

宋志晉武太始五年詔太子拜

太傅少傅如弟子事師之禮二傳不得上疏曲敬 晉

東宮舊事太子於二傳執子弟禮二傳入見太子詣崇

賢門迎太子為二傅拜各答拜入坐對坐

閻欒云漢太子四皓為師

子房  
為傅

### 晉庶子

宋志中庶子四人職如侍中漢東京員五人晉減為四

人秩六百石

吳廩譚為之

晉東宮舊事中庶子四人准侍

中若皇太子八宮與中舍人各一人更日直永福坊

武帝初置應正孔恂為之

郭奕鄭默裴頠鄧攸鄧湛

文立裴據王衍湛為之

咸寧二年十二月召處士皇

甫謚為之

元帝以鄧攸孔衍卞壹為之

頤舍以篤

行選

溫嶠數規諫獻侍臣箴

通典班同

二令四率

玉海

光

山海啟事

云東宮顯選

宋志庶子四人職比散騎常侍中書監

令晉制也漢西京員五人東京無員職如三舍中郎古者諸侯世子有庶子之官秦因其名秩四百石

晉五率

又見兵制

通典衛率府秦官漢因之屬詹事後漢主門衛徵循衛士而屬少傅魏因之晉武時東宮置衛率初曰中衛率泰始五年分為左右衛率各領一軍惠帝時又加前後二衛率成都王穎為太弟又置中衛率是為五率江左



已後多不置前後率孝武大元中又置止置左右二率

晉太康八年詔曰太子家令率更令僕東宮之達官宜進品第五與中庶子二率同 潘尼頌三率備衛 元嘉中有四率通典中庶子班同三令四率 左率山濤之子故褚契右率向雄武詔傳詠吳隱之郭奕

宋志太子左衛率七人右衛率二人五率職如三衛秦  
時直云衛率漢因之主門衛晉初曰中衛率太始分為  
左右各領一軍惠帝時東宮加置前後二率成都王穎  
為太弟又置中衛是為五率江左省前後二率大元中  
又置皆有丞晉初置宋止置左右二率秩舊四百石太

子屯騎步兵翊軍三校尉各七人並宋初置屯騎步兵  
因臺校尉翊軍晉太康初置始為臺校尉以唐彬居之

江左省

劉卞曰四率  
精兵萬人

晉詹事

又見後

宋志太子詹事一人丞一人職比臺尚書令詹省也晉

初太子官屬通屬二傳咸寧元年復置詹事二傳不復

領官屬

晉公卿禮秩曰  
泰始中立詹事

後周置宮正宮尹隋開皇元

年更置詹事

晉少傅箴

傳玄太子少傅箴云金木無常方圓應形亦有隱括習  
與性成正人在側德義盈堂云云傳臣司訓 齊王攸  
為太傅獻箴曰保相之才必擇賢明昔在周成旦奭作  
傅 後周蕭圓肅為少傅作箴曰東序養德震方主器  
三善既備萬國以正姬周長久實係元良羸秦短祚亦  
由少陽

晉東宮侍講

傳傳暢裴憲卞壺侍講東宮庾亮侍講諫帝以韓子

賜太子王悅亦侍講杜夷元帝以為國子祭酒太

子凡三至夷舍執經問義齊永明三年太子於崇正

殿講孝經建元中率更令伏曼容侍太子講建武中

何佟之侍講梁庾黔婁侍太子讀與中庶子殷鈞博

士明山賓等遞日講五經義

天監八年九月於壽安殿講孝經論語講畢釋奠國

學

徐勉傳領中庶子侍東宮昭明太子於殿講孝經

臨川王宏尚書令沈約備二傳勉與祭酒張充為執經

王瑩張稷柳愷王暕為侍講

天監元年十一月甲子立皇子統為皇太子拜東宮

官屬文武皆入直永福省五年五月庚戌出居東宮五日一朝十四年正月乙巳朔冠大赦

陳天

嘉中顧越侍東宮讀

### 晉宣猷堂

見後 太子宴元圃宣猷堂陸機賦詩曰體輝重光承  
規景數茂德淵沖天姿玉裕叢爾小臣振纓承華匪願  
伊始惟命之嘉

晉皇太子釋奠

詳見釋奠

潘尼頌曰尊道遜齒降心下問鋪以金聲光以玉潤

袁曜釋奠詩曰南庠貴齒東學上親卑躬下問降禮師

臣員冠濟濟方領恂恂 宋何承天詩 顏延年詩尚

席函丈承疑奉帙侍言稱辭敷史秉筆 齊永明五年

冬太子臨國學親策試諸生問王儉曲禮毋不敬義

年三

十月  
釋奠

王儉詩金鎔乃器水術伊瀾

晉侍臣箴

溫嶠侍臣箴均士抗禮以卑厥情入學齊齒言稱先生

不以賢自盛不以貴為榮師傅是瞻正人在側屏彼佞  
諛納此亮直 齊王攸獻太子箴有固親以道修身以  
敬之語

晉東宮舊事

梁東宮新記

又見下

長春義記

唐春坊要錄

唐志故事類張敞晉東宮舊事十卷

顧氏家訓引東宮舊事又太平御覽

選注引之杜正倫春坊要錄四卷儀注類梁蕭子雲東宮雜

事二十卷

選注引蕭子雲東宮雜記 子雲傳遼太子舍人撰東宮新記二十卷奏之賜束帛 王

僧孺撰東

官新記

陸開明宇文愷東宮典記七十卷

隋志左庶子宇文愷

撰

劉杳為通事舍人撰東宮新舊記三十卷隋志皇儲故事二卷失姓名

經解類梁簡文

三十卷

隋志皇儲故事二卷失姓名

經解類梁簡文

帝長春義記一百卷

隋志同

梁簡文以沈文阿為東宮學士及撰長春義記使撮異聞

廣之

晉東宮舊事皇太子初拜有石山安車一建九旗

青色四馬有眊幢一鹵簿有黃麾太子大小會庭設三

廂樂舞六佾納妃四望車羽葆前後部鼓吹有織成袞

帶白玉佩步搖一具九鈿函盛之

通典魏收按東宮

舊事太子宴會多以西面為禮

唐會要開元六年侍



中宋璟上表曰皇太子冠准東宮典記有上禮之儀謹按上禮非古宜傳

宋東宮儀記

隋志儀注篇宋東宮儀記二十三卷宋新安太守張鏡

撰

劉孝綽等議  
按東宮儀記

東宮新記二十卷蕭子雲撰

見上

南史

劉杳撰東宮新舊記三十卷 崇文目類書有青宮懿典

十五卷王純臣撰

宣和四年四月葉煥上  
繼明集論總六十五卷

齊皇太子九言

文選齊竟陵王子良行狀文惠太子養德東朝同符作  
者爰造九言實該百行命公注解注竟陵王集有皇太  
子九言注解言德言賢言親言生言靜言昭言真言節  
言義

後魏東宮侍臣箴

後魏書宗欽仕河右為世子洗馬上東宮侍臣箴曰恢  
恢玄古悠悠生民五才迭用經叙彛倫匡父維子弼君  
伊臣顛而能扶屈而能伸昔在上聖妙鑒厥趣不曰我

明而乖其度不曰我新而忽其故如彼在泉臨深是懼  
如彼覆車望塗改步是以令問宣流英風遠布及於三  
季道喪紀遷桀起瓊臺紂醢糟山周滅妖如羿喪以田  
險設蔽其耳目鄭衛陳於其前怙才肆虐異端是纏豈  
伊害身厥嗣殲焉茫茫禹跡畫為九區昆蟲鳥獸各有  
巢居雲歌唐后垂拱美虞疎網改祝殷道攸敷龍盤應  
德隋蛇銜珠勿謂無心識命不殊勿謂理絕千載同符  
爰在子桓靈數攸臻儀形徐阮左右劉陳披文採友叩

典問津用能重離襲曜魏鼎維新於昭儲后運應元籙  
夕惕乾乾虛矜遠屬外撫幽荒內懷梵獨猶懼思不逮  
遠明不遐燭君有諍臣庭立謗木本枝克昌永符天祿  
微臣作箴敢告在僕 文選注卞壺議曰太子所居宮  
稱東宮不言太子官者二宮以東西為稱明是天子之  
離宮使太子居之也

後周皇太子箴

藝文類聚

初學  
記同

後周王褒皇太子箴其畧云令問令望

聞詩聞禮秋坊通夢春宮養德桓榮獻書荀攸觀則元  
子為士齒卿命秩昔在周漢親賢保弼朝服寢門廻車  
作室正陽君位元枝父道臣子所崇忠孝為寶文昌著  
於前星主鬯由於守器庶僚司箴敢告閤寺隋戴逵  
亦有箴  
晉語胥臣曰夫教者因體能質而利之者也若川然有  
原以印浦而後大

唐東宮三師官儀注

志太子太師太傅太保各一人從一品掌輔導太子每

見迎拜殿門三師答拜每門必遜三師坐太子乃坐太

子出則備鹵簿以從

元稹教本書曰貞觀師傳皆宰相兼領餘官亦時重選貞觀十三

年正月戊午房玄齡為少師十六年九月丁巳魏徵為太師帝曰當今忠謇無貽卽羽冀固矣十七年四月丙戌立晉王為太子己丑司徒無忌太師司空玄齡大傅持進蕭瑀為太保二十一日庚子上謂玄齡瑀曰三師以德導人禮卑則太子無所取則於是詔撰三師儀注太子出殿門迎先拜三師答拜每門遜三師坐太子乃坐與三師書前名惶恐後名惶恐再拜十九年二月乙卯高士廉攝太傅帝欲岑文本兼攝辭詔五日一參東宮太子答拜二十年四月甲子無忌玄齡瑀各辭調護之職許之顯慶元年正月辛未立弘為太子甲申于志寧為太傅四年四月丙辰為太師大厯十四年十二月乙卯順宗立為太子禮重師傅見輒先拜元和元年四

月初令太子師傅竇客詹事日二人侍制左拾遺元稹言師資保傅不疾廢昵曠則休戎罷帥又以僻滯華首之儒侍讀越月不得召願令皇子洎諸王並習講學行嚴師問道之禮大和六年十一月甲子立永為太子詔方從師傅授六經一二年後當齒胄國學七年路隋為太師以中使為皇太子見太師禮儀使見隋於崇明門開成三年三月庚午鄭

章為太師王起少師

少師少傅少保各一人從二品

掌曉三師德行以諭皇太子奉太子以觀三師之道德自太師以下唯其人不必備先天元年開府置令丞各

一人隸詹事府尋廢

李綱以直學拜少保高祖手敕未嘗不稱名貞觀四年七月癸酉蕭

瑒為少傅房玄齡加少師始詣東宮太子欲拜之遂不敢謁永徽二年七月乙丑張行成兼少傅高季輔兼

少保于志寧兼少師顯慶元年七月癸未崔端禮為少師龍朔二年八月壬寅許敬宗為少師開耀元年三月辛卯劉仁軌兼少傅郝處俊為少保開元八年姚崇為少保十七年源乾曜少傅

### 唐太子賓客 東宮儀典

志太子賓客四人正三品掌侍從規諫贊相禮儀宴會

則上齒貞觀十八年以宰相兼賓客

永徽三年褚遂良同三品兼張文

璿以侍中郝處俊以中書令劉仁軌戴至德以左右僕射兼

開元中定員四人

通典云象

四皓

會要顯慶元年正月十九日

甲申

置賓客無員品選

高名重德為之以侍中韓瑗中書令來濟禮部尚書許



敬宗兼開元中始編入令置四員建中四年九月二十

五日加兩員

六典洪致四皓立博望苑則其義也章安石崔馮裴淮領知章柳冲徐堅薛登楊

元琰李尚隱鄭肅為之嗣吳王祗以宗室老為之元琰為賓客唐宗詔設位東宮太子為拜

杜

淹傳為御史大夫帝敕東宮儀典簿最悉聽淹裁

訂

貞觀元年  
參議朝政

肅宗紀乾元元年十月甲辰立成

王叔為太子舉忠正孝友堪東宮官者 劉洎上

書曰太子宗祧是繫晁錯上書令通政術賈誼奏

計務知禮教古者問安而退以廣敬也異宮而處以

遠嫌也太宗敕洎與文本馬周遞日直東宮 咸亨元

年徐齊聃上疏曰成王與伯禽同業晉儲以師曠為友

皇太子可招尋園綺寤寐應劉

齊聃侍太子講修書芳林門又侍太子諸王屬

文 李泌  
供奉東宮

元稹書曰願齒冑講業行嚴師問道之禮

### 唐太子侍讀

志侍讀無常員掌講導經學太宗時晉王府有侍讀

蕭德言許叔牙為之  
表承序以晉王友原

及為太子亦置馬

德言以兄文學士兼叔牙獻

詩纂義十篇太子寫付司經馬周薦李敬元召入崇  
賢館侍讀 紬繹經誼以輔儲業如張酺之嚴蕭德言

之敬望苑陪  
遊肅成侍講

孝敬在東宮高智周賀敬王真儒侍讀

中宗則崔融

東朝表疏  
多成于手

韋安石崔神慶明皇則張說講

友悌之書褚無量撰翼善之記

無量以司  
業侍讀

開元中皇太

子及四王未就學褚無量以孝經論語五通獻帝乃選

郝常亨郭謙光潘元祥等為太子諸王侍讀

開元初十  
王官引辭

學工書者入教亦為侍讀

侯行  
果薛令之侍讀  
王迥賈侍讀書

肅宗初封陝王仁孝

好學元宗遣賀知章潘肅呂向皇甫彬邢璣等侍讀左

右德宗在春宮則張涉順宗則歸崇敬及子登馮伉

伉  
對

殿中賜梁肅孔述睿

諫議大夫

憲宗則有陸質崔樞歸登

金紫服

登獻龍樓殿

父子侍讀

元和中歸登呂元膺孔戣李逢吉

呂元膺

薛放韋綬

太子書依

一階穆宗則有丁公著

著太子諸

王訓十篇

薛放韋綬

太子書依

全書綬白之

太和

中王起

廣五

韋溫陳夷行

高宗為太子崇賢館學士馬嘉運數與洗馬

徐齊聃侍太子講

孔穎達拜祭

酒侍講東宮

崔神慶與詹事祝欽明更日侍讀

開成元年詔宮臣詣崇明門朝朔望侍讀偶日入

對

唐太子詹事 端尹府 三寺

志

兼會要  
通典

太子詹事一人正三品少詹事一人正四品

上掌統三寺十率府之政少詹事為之貳注隋廢詹事

府武德初復置龍朔二年曰端尹府詹事曰端尹少詹

事曰少尹武后光宅元年改曰宮尹府詹事曰宮尹少

詹事曰少尹

中宗還東宮豆  
盧欽望為宮尹

神龍元年又改為詹事府

丞二人正六品上掌判府事

裴仙先  
為之

主簿一人從七品

上武德初趙弘智九年魏徵為主簿

錄事二人正九品下司直二人正

七品上

楊炯楊嶠王伋表滋賈登為之

掌糾劾宮僚及率府之兵皇太

子朝則分知東西班監國則詹事庶子為三司使司直

一人與司議郎舍人分日受理啟狀太子出則分察鹵

簿之內顯慶元年置龍朔三年二月改隸桂坊後罷桂

坊復隸詹事府 實錄貞觀二年七月戊申中書令

房玄齡兼詹事永徽三年七月乙丑侍中宇文節兼

詹事六年十月癸丑中書令崔端禮檢校詹事 列傳

李綱武德初為太子詹事事太子建成初甚禮遇曰審  
論弼諧固屬李綱矣 張行成為太子少詹事 張元

素為少詹事諫承乾

李勣高宗為皇太子

貞觀十七年四

酉月乙轉勣為太子詹事兼左衛率太宗謂曰我兒新登

儲貳卿舊長史今以宮事相委故有此授雖資階可勿

怪也

劉憲景雲初遷太子詹事玄宗在東宮留意經

籍憲因上啟薦褚无量

李尚隱為太子詹事 馮定

為太子詹事時宰臣鄭覃兼太子太師欲於尚書省上

事定奏曰據六典太師居詹事府不合於都省禮上乃

詔於本司工事人推美之 韋湜自右中護為詹事

又鍾

詔京陸象先

餘慶為之

晉咸寧元年六月戊申置詹事官

羊琇願言而匪獲謝琰功高而後至卞壺陸曄王

恂皆領詹事

江總有潘陸之華無園綺之實

陳孔

云與

唐春坊

左右庶子

中允

司議郎記注

諭德



志左春坊左庶子二人正四品上中允二人正五品下  
掌侍從贊相駁正啟奏總司經典膳藥藏內直典設宮  
門六局皇太子出則版奏外辦中嚴入則解嚴凡令書  
下則與中允司議郎等書諾覆審留所畫以為案更寫

印署注令諾送詹事府

禮志冊皇太子左庶子奏請中嚴太子受冊左庶子受之進受

璽殿以授左庶子通典宮臣上禮左庶子省進酒  
九斛或以銅鐘一斛正至朝賀左庶子夾侍於格前司

議郎二人正六品上掌侍從規諫駁正啟奏凡皇太子  
出入朝謁從祀釋奠講學監國之命可傳於史冊者錄

為記注宮坊祥青官長除拜歲終錄送史館左諭德一

人正四品下

龍朔二年置

掌諭皇太子以道德隨事諷贊皇

太子朝宮臣則列侍左階出入騎從左贊善大夫五人

正五品上

儀鳳四年置

掌傳令諷過失贊禮儀以經教授諸

郡王崇文館學士三人校書郎二人

見館類

右春坊右庶

子二人正四品下中舍人二人正五品下掌侍從獻納

啟奏中舍人為之貳太子舍人四人正六品上掌行令

書表啟諸臣上皇太子大事以牋小事以啟其封題皆

上右春坊通事舍人以進通事舍人八人正七品下掌

導宮臣辭見承令勞問

隋李伯藥為之唐有韋  
武楊弘禮武攸緒張均

右諭德

一人右贊善大夫五人皆如左春坊注隋有內允武德

三年改曰中舍人隸門下坊貞觀初曰中允十八年置

司議郎永徽三年避皇太子名復改中允曰內允太子

廢復舊龍朔二年改門下坊曰左春坊左庶子曰左中

護中允曰左贊善大夫司議郎分左右置左右諭德各

一人咸亨元年皆復舊司議郎不分左右其後諭德廢

而司議郎復分儀鳳四年

二月十一日

置左右贊善大夫各

十人以同姓為之景雲二年

二月五日

始兼用庶姓

開元七年各省

員五

改門下坊曰左春坊復置諭德庶子以比侍中中允

以比門下侍郎司議郎以比給事中贊善大夫以比諫

議大夫諭德以比散騎常侍右坊則庶子以比中書令

中舍人以比中書侍郎太子監國則庶子以比尚書令

又注隋內舍人隸典書坊

唐臨置典書坊

武德初改曰中舍人

管記舍人曰太子舍人永徽元年避太子名復改中舍

人曰內舍人龍朔二年改典書坊曰右春坊右庶子曰  
右中護中舍人曰右贊善大夫舍人曰右司議郎通

典隋罷詹事分東宮置門下坊典書坊以分統諸局

比門下內史二省唐置詹事府以統衆務置左右春坊

以領諸局龍朔二年改門下坊為左春坊典書坊為右

春坊

東宮宜春宮門外有左春坊內坊南有崇賢館宜秋宮門外有右春坊內坊有崇教殿

六

典注禮記周有庶子官

周禮諸子

職諸侯卿大夫之庶子國

有大事帥國子致於太子秦置中庶子漢太傅屬官有

庶子後漢少傅屬官有中庶子貲五人秩六百石職如

侍中庶子無貲四百石如郎

環濟要畧曰主宮中并諸吏之適子及支庶版籍

燕禮獻庶子於阼階上注世子之官也宵則庶子執燭於阼階上張敞東宮舊事中庶子與中舍人各一人

更日直永福坊隋始分左右員各二人分統門下典書二坊云

云龍朔改左右春坊

左庶子房玄齡

武德九年

杜如晦長孫無忌陳叔達劉

洎

以侍中兼

辛茂將

顯慶四年以侍中兼

裴敬異杜正倫蘇勉薛元

超

中書令兼

劉仁軌

咸亨三年

高智周

儀鳳二年

張大安

上元中

王方

慶

中宗還東宮  
庶侍讀書

魏元忠魏知古徐堅吳兢崔沔蘇晉

韋抗郝處俊劉子元李安仁韋安石姚元之

景雲元年七月

丁巳以同

蕭復

興元元年

右庶子

高士庶

武德九年

李百藥

貞觀四年  
作贊道賦

令狐德棻

張元素趙弘智孔穎達

撰孝經  
章句

馬周

以中書侍郎兼  
貞觀十八年遷

中書令  
猶兼

于志寧

撰諫苑

高馮李義琰

上元中同  
三品兼

李敬元

咸亨二年

張文瓘許圜師平正謹

獻養德傳

宋璟

景雲元年  
同三品兼

李景伯賀知章高仲舒李日知孔述睿武元衡

冊大子贊

相

景雲初官相二以宰臣兼領

諭德

猶上臺之  
有騎省

孔惠元殷承業平正謹為左馮朝

隱沈伯儀穆寧蘇源明韋承慶員半千鍾紹京為右

贊善大夫 李涵歸崇敬

中護 麟德元年十二月戊子劉祥道為右中護二  
年十月壬戌劉仁軌左中護乾封元年七月庚午仁  
軌兼右中護

通典中允漢東京有之職在中庶子下洗馬上漢制太



子五日一朝其非朝日即使僕及中允朝請問起居宋

齊有中舍人是其職也

宋志云疑若今中書舍人

唐貞觀初改中舍

人為中允置二員王珪孔穎達杜淹陸德明王維裴

諝為中允

唐司議郎

又見上

志司議郎二人正六品上

古記過之史貞觀中置

列傳敬播貞

觀十八年

十月四日甲辰

太子表請置史職用司箴戒乃於

門下坊置太子司議郎四人精選名士以居之播與來

濟為此官極為清望中書令馬周歎曰所恨資品已高  
不得歷居此職 王元感撰尚書糾繆十卷春秋振滯  
二十卷禮記繩愆二十卷則天詔授太子司議郎 韋  
承慶遷太子司議郎為諭善歲以獻 元遜中宗在東  
宮召拜司議郎及謁見則天謂曰卿既能孝於家必能  
忠於國今授此職須知朕意宜以善道輔弼吾兒 又召王友  
正為之不就 徐浩元宗時為司議郎 路敬淳郝處俊徐齊  
聃陸柬之奚陟杜棕亦為之

唐中舍人 舍人

通典晉咸寧四年置中舍人四人以舍人才學之美者

為之與中庶子共掌文翰在中庶子之下洗馬之上

晉張

載杜錫陸雲顧榮為中舍人志中舍人晉初置職如黃門侍郎

宋隋曰內舍人四員屬

門下坊唐中舍人二員掌侍從令書奏疏

虞世南王珪韋琬崔弘武楊思

儉賀德仁為之龍朔改右贊善大夫舍人秦官漢比郎中

晁錯鄭當

時為後漢無員更直宿衛如郎中

黃瓊為之

晉十六人職比

散騎中書侍郎掌表啟牋疏

摯虞傅祇李重華譚山簡樂廣夏侯湛汜源潘尼孔

坦衛常王衍和嶠為之

米四人唐四人掌侍從表啟宣行令旨龍

朔改右司議郎咸亨復

太宗居春官除褚亮為舍人李義府為舍人獻承華箴薛

元暉為舍人掌文翰稱職

元宗在東官咸擇宮寮拜

賈曾舍人

薛元超趙弘智王琚蕭嵩韋丹為之

李

友任敬臣文執周思茂張昌齡

六典皇太子監國及

開朝隱王無競姚弈甄濟盧備

於宮內下令書太子親書日至春坊則右庶子宣傳之

中舍人奉之舍人行之

宋志舍人二漢無員掌宿衛如三署中郎唐志皇太子監國

下令書則畫日至春坊則

顏延年詩秉筆侍兩闥

謂中

庶子宣傳中舍人奉行

書侍郎太

子舍人

# 唐東宮六局

志司經局洗馬二人掌經籍出入侍從圖書上東宮者

受而藏之

舒叔牙劉訥言以洗馬兼侍讀訥言授漢書國語句踐為夫差先馬晉傅咸江統王

湛衛玠陸機為之

機詩云託身承華側

大學三人

魏

撫刺導銅輦矯迹入崇賢注太子門名

太子文學唐

校書正字

並見後北齊有校書郎隋置正字

典膳局典膳

郎二人丞二人掌進膳嘗食丞為之貳每夕更直於厨

見後宋志家令漢東京主食官令晉世自為官不復

屬家令今屬中庶子職如太官令通典開元禮正至

受賀鴈行三周典膳郎進食典膳

藥藏局郎二人丞二

郎奉酒進食官令入行羣官酒

人掌知藥

北齊門下坊領之唐改監為郎

內直局郎二人丞二人

孔志約為

內直

掌符璽衣服繖扇几案筆硯垣牆

齊有內直兵局北齊殿內

局丞

龍朔二年改監曰內直郎副監曰武德中有典璽四人開元中廢

典設局郎四人

丞二人掌湯沐燈燭汎掃鋪設

南齊齋居局梁齊內局龍朔二年改齋帥局

曰典設局齋帥曰郎

宮門局郎二人

張暉姚壽為之

丞二人掌宮門管鑰

漢門大夫隋曰宮門局崔融為宮門丞韓頴為宮門郎直司天臺

龍朔二年改宮門監曰宮

右

東宮六局左庶子總之

唐桂坊 司經局 司經大夫

東宮圖書

通典漢太子太傅少傅屬官有洗馬後漢職如謁者太

子出則當直者前驅導威儀也晉八人掌圖籍梁有典

經局又置八人掌文翰尤為清選皆取甲族有才名者

為之

庾於陵  
周捨

位視通直郎北齊經典坊洗馬二人

後周  
建德

三年置太子  
文學十人

隋曰司經局洗馬四人唐司經局洗馬二

人龍朔二年改洗馬為司經大夫三年改司經局為桂

坊司經大夫通判坊事罷隸左春坊咸亨初復舊掌侍

奉及經史圖籍判局事志司經局洗馬二人從五品

下魏徵賀德仁姚思廉劉孝孫蔡允恭韋琨賀紀蕭德言劉訥言田游巖皆為洗馬掌經籍出

入侍從圖書上東宮者受而藏之文學三人正六品下

徐堅王紹宗丁公著陸羽為之分知經籍侍奉文章校書四人正九品

下姚南仲為之張說許堯佐李觀程正字二人從九

品上楊綰劉晏常袞趙掌校刊經史注龍朔二年二月九日

改司經局曰桂坊罷隸左春坊領崇賢館比御史臺以

詹事二人為令比御史大夫司直二人比侍御史以洗

馬為司經大夫王真儒為之置文學四人錄事一人三年二月



九改司經大夫曰桂坊大夫糾正違失咸亨元年復隸  
左春坊省錄事 漢宮闕名洛陽故北宮有九子

坊 晉王珉曰中庶子稱坊詹事稱寺寺同於九卿  
坊如天朝之稱臺 梁蕭子範直坊賦曰直中舍之  
坊

唐率府 十率府

志太子左右率府率各一人正四品上副率各二人從  
四品上掌兵仗儀衛凡諸曹及三府外府皆隸焉

六典  
凡觀

勳翊府及廣濟等五府屬焉

元日冬至皇太子朝宮臣諸方便則率

衛府之屬為衛每月三府三衛及五府超乘番上者配

以職太子左右司禦率府率各一人正四品上掌同左

右衛凡諸曹及外府旅賁番上者隸焉

六典云都城外三府

太子

左右清道率府率各一人副率各二人掌晝夜巡警凡

諸曹及外府直盪番上者隸焉

六典云絳邑第三府

皇太子出入

則以清游隊先導後拒隊為殿太子左右監門率府率

各一人副率各二人掌諸門禁衛凡財物器用出者有

籍太子左右內率府率各一人副率各一人掌千牛供奉之事皇太子坐日領千牛升殿射于射宮則千牛奉弓矢立東階西面率奉弓副率奉矢決拾北面張弓左執附右執簫以進副率以弓拂矢而進各退立於位既射左內率啟其中否各有長史錄事參軍兵曹倉曹參軍冑曹參軍左右率府司禦率府又有騎曹參軍注武德五年改左右侍率曰左右衛率府左右武侍衛率曰左右宗衛率府左右宮門將曰左右監門率府龍朔二

年改左右衛率府曰左右典戎衛左右宗衛率府曰左右司禦率府左右虞候率府曰左右清道衛左右內率府曰左右奉裕衛左右監門率府曰左右崇掖衛武后垂拱中改左右監門率府曰左右鶴禁衛神龍元年改左右司禦率府曰左右宗衛府左右清道衛曰左右虞候率府景雲二年左右宗衛府復曰左右司禦率府開元初左右虞候率府復曰左右清道率府詹事統十率府之政司直糾劾率府之兵 禮志冊皇太子諸衛率

各勒所部陳于庭僕進金路內率一人執刀贊善奏發  
引兵志府兵隸于衛餘以隸東宮六率通典衛率

府秦官漢因之屬詹事

云云見晉  
五率段

開元禮皇太子與

師傅保相見諸衛率各勒所部屯門列仗正至朝賀內  
率夾輅而趨出重明門太宗紀貞觀二年正月辛亥

杜如晦檢校侍中摠監東宮兵馬事十五年十二月庚

子命三品以上嫡子事東宮十七年閏月丁巳詔皇太

子典左右屯營兵列傳李勣為太子詹事兼左衛率

李靖以右僕射行左衛率 尉遲敬德為左衛率

程知節為右衛率 長孫安業為右監門率 張公謹

李客師為右內副率 李大亮拜左衛大將軍晉王為

太子東宮僚屬皆選威重臣以大亮兼太子右衛率俄

兼工部尚書身居三職宿衛兩宮甚為親信 韓倫貞

觀中歷左衛率 韋挺左衛驃騎檢校左衛率 蔣儼

為左衛副率時隱士田游巖為太子洗馬任官竟無正

補儼貽書責之 王及善高宗時遷右奉裕率孝敬居

東宮因宴集命宮官擲倒次至及善辭 李自良以戰  
多為右衛率 元遜永淳中巡察使薦孝悌殊異擢拜  
右內率府長史 李善方雅清素有君子之風明慶中  
累補太子內率府錄事參軍 王元感遷左衛率府錄  
事 張薦授左司御兵曹 杜甫擢左衛率府胄曹

鄭惟中蘇頲除左司禦胄曹 李吉甫補左司禦倉曹

薛從張建封左司禦兵曹 母照右率府胄曹 梁

令瓚右率府兵曹 柳澤景雲中為右率府鎧曹

唐昭  
亦為

之

# 唐家令寺

通典家令秦官屬詹事漢因之有丞

秩八百石 晁錯為太子家令

以辨得幸太子太子家號曰智囊疏受以賢良舉為太子家令

主倉穀飲食職比司農

少府漢太子食湯沐邑十縣家令主之後漢則屬少傅

漢詹事屬官有食官令長丞後漢又有倉令

魏因之晉兼主刑獄穀貨飲食

職比廷尉司農少府其家令率更令及僕為太子三卿

三卿秩千石

隋改為司府令唐復為家令寺云云 志家令



寺家令一人從四品掌飲膳倉儲總食官典倉司藏

三署

樑有錫賜庫局丞衛庫丞

皇太子出入則乘輅車為導祭祀賓

客則供酒食丞二人主簿一人

晉置主簿

注唐改隋司府令

曰家令龍朔二年改家令寺曰宮府寺家令曰太夫咸

亨元年復舊

吳漢解詹事換檢校賓客燕家令貞元十九年四月幸家令寺

唐太子率更令 率更寺

通典

燕志

率更漢屬詹事

師古曰掌知禍刻故曰率更

有令及丞晉主

宮殿門戶職如光祿勳衛尉

晉劉弘起家太子門大夫遭率更令

唐率更

寺令一人從四品上掌宗族次序禮樂刑罰及漏刻之

政太子釋奠講學齒胄則抱其儀出入乘輅車為導居

家令之次丞主簿各一人

通典家令率更令及僕為太子三卿

會要龍

朔二年改曰司更寺令曰司更大夫咸亨元年復為率

更令

歐陽詢蕭鈞賀敏張文收劉知幾為之顯慶元

才為司更大夫

先天元年正月皇太子令宮臣就率更寺閱女

樂太子舍人賈曾諫

唐太子僕 馭僕寺

志兼通典僕秦官漢因之又有殿長丞主輿馬晉制僕主

輿馬兼主親族職如太僕宗正

齊周顯梁劉孝綽為太子僕齊有內外殿局

唐僕寺僕一人從四品上掌車輿乘騎儀仗摠殿牧局

太子出則率殿牧令

從八品下

進路親馭丞主簿各一人龍

朔二年改曰馭僕寺僕曰大夫殿牧令一人丞二人掌

車馬開殿皇太子出則率典乘先期習路馬率駕士馭

車乘既出進路式路車於西閤外南向以俟凡羣牧隸

東宮者皆受其職事典乘四人

有翼馭十人駕士十人掌關六百人

禮志皇太子納妃內殿尉進厭翟冊太子僕進金路

宋志漢世太子五日一朝非入朝日遣僕及中允旦入  
請問起居主車馬親族通典僕正立執轡太子升輿  
左內率前執轡太子升輅僕立授綏左右內率夾輅而  
趨輅動三師乘車訓導三少乘車訓從謁太廟僕策輅  
於西閣外南向車右執刀立於輅前北向

唐典膳丞

會要乾封元年皇太子久在內不出稀與宮臣接見典

膳丞邢文偉減膳上啟曰竊見禮大戴記曰太子既冠  
成人免於保傅之嚴則有司過之史虧膳之宰史之義  
不得不書過不書則死之宰之義不得不徹膳不徹則  
死之近者以來談議不接謁見尚稀三朝之後但與內  
人獨處何由發輝聖智史雖闕官宰當奉職謹守禮經  
輒申減膳其年左史闕上曰邢文偉以吾兒不讀書不  
肯與肉此人甚正直遂拜馬太和四年十一月左庶子  
孫革奏典膳等五局郎青宮列屬護翼元良必用卿相

子弟先擇文學端士國朝謹選繼得其人或揚歷清資


或致位丞相 志龍朔二年改典膳監曰典膳郎

武德初有

典膳監任聚

李延壽貞觀十五年為丞 王同皎為典膳郎

俎登鮑魚饌去邪蒿



玉海卷一百二十八

欽定四庫全書

玉海卷一百二十九

宋 王應麟 撰

官制

儲官

訓導東  
宮事附

唐東宮

會要

兼實錄

武德九年六月改東宮弘禮嘉福等門為光

宣門貞觀十七年十一月誕皇孫宴宮僚于弘教殿自

北門入顯慶元年六月改東宮弘教殿為崇教殿咸亨

四年七月庚午皇太子新宮成帝親送太子入宮  
五品已上宴會奏樂長安二年正月十七日左庶  
子王方慶奏東宮門殿多觸太子名請改之以協  
舊典永貞元年六月乙未皇太子見百僚於東朝

長安志東宮在太極宮中自承天門而東其第三門曰

重明門

即東宮正門也

殿曰明德本顯德殿武德九年八月甲

子太宗即位于此

中宗為太子改明德

高宗以貞觀二年生于麗



正殿皆在東宮

魏徵曰武德殿在東宮之西

開元後太子不居東宮

但居乘輿所幸之別院

岑文本傳晉王為太子大臣

多兼宮官帝欲文本兼攝辭曰不願希恩東宮請一心以事陛下帝乃止但詔五日一參東宮每進太子

答拜

又太宗敕劉洎岑文本馬周遞日直東宮

通典受朝集使參辭

設幄座於東宮正殿東序西向設宮臣次于東宮朝堂門外謁太廟宿齋於正殿設宮官次于東宮朝堂

神異經曰東方有宮青石為牆高三仞左右闕高百丈

畫以五色門有銀榜以青石碧鏤題曰天地長男之宮

晉太元十七年八月新作東宮 北齊議者引晉舊

事太子在東宮西面為避尊位通典 徐廣東宮頌曰

禮樂承軒典冊授庭命服惟九龍旗鸞旌初學記

唐重明門又見冠禮

禮志皇太子加玄服九品以上皆詣東宮朝堂宮臣皆朝服其餘公服集於重明門外朝堂納妃前一日衛尉設次於東朝堂之北西向又設宮官次於重明門外其

日皇太子服袞冕出升金輅至承天門降輅就次通  
典皇太子謁太廟設宮官次於東宮朝堂典儀設宮臣  
位於重明門外所司依鹵簿陳設於重明門外皇太子  
會宮臣如常會之儀宮臣上禮朝服集東宮南門之左  
正至受羣臣賀設羣官等次於東宮朝堂四部伎立於  
左右嘉善門外

唐太極殿冊太子

見冊禮及殿類 姚珽上書曰銀榜銅樓宮闈嚴秘門

閣來往皆有簿籍

唐臨軒冊命

見冊禮

通典開元禮臨軒冊命皇太子

設御幄座於太極殿

朝

皇后謁太廟皇帝會羣臣

上羣臣

上禮皇后受羣臣賀

皇后會命婦

上羣臣

皇太子會羣臣會宮臣宮臣上禮內冊

皇太子臨軒命使皇太子受冊皇太子朝謁

詣皇帝皇后所御殿

唐貞觀賜太子典籍

會要貞觀十七年十一月二十八日誕皇孫宴宮僚于

弘教門太宗幸東宮自殿北門入謂宮臣曰頃來生業  
稍可非乏酒食而唐突公等宴會朕有甲觀之慶故就  
卿為樂耳謂太子曰爾國之儲貳府藏是同金玉綺羅  
不足為賜但先聖典籍可為鑒誠耳因賜尚書毛詩孝  
經各一部太子太傅蕭瑀曰今所賜書請陳其要旨申  
明義趣可為深戒者皆委曲言之上大悅以為師傅得  
人

是歲四月立晉王為皇太子己亥御兩儀殿陳孝  
德以戒之閏六月語侍臣曰自太子立遇物必誨

唐貞觀皇太子釋菜于太學 景雲皇太子釋

奠于國學 開元皇太子入學齒胄

紀太宗貞觀二十一年二月丁丑皇太子釋菜于太學

高宗總章元年二月丁巳二十九日皇太子弘釋奠于國學

開耀元年二月丙午十九日皇太子釋奠于國學睿宗景

雲二年八月丁巳皇太子釋奠于國學先天元年即太極元

年二月丁巳皇太子釋奠于國學玄宗開元七年十一

月乙亥皇太子入學齒胄賜陪位官及學生帛 禮樂

志貞觀二十一年許敬宗等奏請國學釋奠以祭酒司

業博士為三獻會皇太子釋奠自為初獻以祭酒張復  
胤亞獻光州刺史攝司業趙弘智終獻總章元年太子  
弘釋奠于學贈顏回為太子少師曾參少保睿宗太極  
元年始贈顏回太子太師曾參太子太保皆配享玄宗  
開元七年皇太子齒胄于學謁先聖詔宋璟亞獻蘇頲  
終獻臨享天子思齒胄義乃詔二獻皆用胄子祀先聖  
如釋奠右散騎常侍褚无量講孝經禮記文王世子篇  
會要貞觀二十年二月詔皇太子於國學釋奠于先

聖先師皇太子為初獻張復肩趙弘智亞終獻既而就  
講弘智演孝經忠臣孝子之義右庶子許敬宗上四言  
詩以美其事永隆二年二月六日皇太子親行釋奠之  
禮禮畢上表請博延耆碩英髦之士為崇文館學士於  
是薛元超表薦鄭祖元鄧元挺楊炯崔融等為學士景  
雲二年七月七月  
恐誤皇太子親釋奠於國學有司具儀注  
從臣皆乘馬著衣冠左庶子劉子元進議曰專車馮軾  
可環朝衣單馬御鞍宜從褻服其乘馬衣冠竊謂宜從



廢改皇太子令付外宣行仍編入今以為常式

車服志亦載此

事謂睿宗時

太極元年二月二十八日皇太子親釋奠開講

建國子司業褚无量執經開孝經及禮記題太子問疑  
義數條開元七年十一月十一日以貢舉人將謁先師  
質問疑義敕皇太子及諸子宜行齒胄禮二十一日皇  
太子謁先聖為初獻亞獻終獻並以胄子充大厯五年  
八月皇太子行齒胄禮於國學司業歸崇敬以國學及  
官名不稱請改之疏奏不從

建中元年正月辛未制皇太子時幸太學行齒胄禮

陳議孔述  
寄充侍讀

梁天監八年皇太子釋奠周捨議請

依東宮元會太子著絳紗褱樂用軒懸九年三月

乙未詔皇太子及王侯之十年在從師者皆入

學

唐帝範

詳見  
御製

藝文志儒家太宗帝範四卷賈行注 會要貞觀二十

三年正月二十日太宗撰帝範十二篇

崇文館  
目一卷

賜皇太

子顧謂王公曰飭躬闡政

一作修  
身治國

之道備在其中矣云

貞觀二十二年正月己卯作君體建親求賢  
審官納諫去讒戒盈崇儉賞罰務褒崇文

敬宗寶

歷二年五月著作郎韋公肅注太宗文皇帝帝範

一十二篇上之 通鑑貞觀十七年閏六月上謂臣

臣曰自朕立太子遇物則誨之云云 崇賢有館司議

有郎典書有坊開元製訓戒之書元和集君臣之迹

### 唐寢殿別院

高宗紀太宗嘗命皇太子遊觀習射辭以非所好願得

奉至尊居膝下太宗大喜乃營寢殿側為別院

會要貞觀二十

年使太子居之太宗每視朝皇太子常侍觀決庶政

褚遂良傳時帝於寢宮側前置院居太子遂良諫以為

朋友深交者易怨父子滯愛者多愆宜許太子間還東

宮近師傅專學藝以廣懿德帝從其言

開元後太子不居東宮處衆與

所幸  
別院

遂良疏曰周兩問安三至必退漢儲視膳五日

乃來崔融表云周儲故事一日三至於寢門晉兩舊

儀一月五朝於左閣

唐詩纂義

許叔牙傳晉王為太子叔牙為府官獻詩纂義十篇太子寫付司經高智周見之曰欲明詩者宜先讀此

晉王高宗

唐承華箴

李義府傳高宗為太子除義府舍人獻承華箴震維標德離宮體正望誠登俎高諭喬枝

唐青宮紀要 天訓 少陽政範

藝文志儒家類武后紫樞要錄十卷臣軌二卷百寮新

誠五卷青宮紀要三十卷少陽政範三十卷列藩正論

三十卷

凡武后書皆元萬頃等撰

章懷太子春宮要錄十卷修身要

覽十卷武后訓記雜載十卷

采青宮紀要維城典訓古今內範內範要略等書為

雜載維城典訓二十卷故事類春坊舊事三卷

失姓

杜正

倫春坊要錄四卷儀注類蕭子雲東宮雜事二十卷陸

開明宇文愷東宮典記七十卷

舊志青宮要記十卷

天后撰

崇文總目同

會要高宗顯慶二年六月上製元首

前星維城股肱誠令許敬宗等注釋名曰天訓

志高宗天訓四

卷

章懷太子傳后撰少陽政範孝子傳賜賢

唐青宮要錄

舊志儒家青宮要錄十卷修身要錄十卷並章懷太子  
撰

唐孝經章句

見前  
孔穎達

唐孝德後傳

郎餘令傳孝敬皇帝在東宮餘令以梁元帝有孝德傳

更撰孝德後傳數十篇獻太子太子嗟重之 藝文志  
孝子後傳三十卷

唐搖山玉彩

孝敬皇帝弘傳高宗顯慶四年加元服命賓客許敬宗  
右庶子許圉師中書侍郎上官儀等即文思殿摘采古  
今文章號搖山玉彩凡五百篇書奏賜物三百段餘臣  
賜有差 藝文志類書許敬宗搖山玉彩五百卷

一作  
搖山

玉彩龍朔  
元年撰



唐諭善箴

韋承慶傳為太子司議郎儀鳳中進諭善箴太子頗嘉

納

唐翼善記

褚無量傳玄宗為太子拜無量國子司業兼侍讀無量

撰翼善記以進厚被禮答

景雲元年

太子釋奠國學令講經

建端立義博敏而辯錫予蕃渥進銀青光祿大夫無

量碑云所撰儲君翼善二十篇帝王要覽二十三卷帝

王紀錄三卷

唐養德傳

太子重俊傳右庶子平正謹獻孝經義養德等傳志

傳記類卷七

唐搖山往則 維城前軌

志儒家裴光庭搖山往則

舊史作瑤山往則  
光庭碑云瑤山往記

維城前

軌各一卷

裴光庭傳為侍中弘文館學士造搖山往

則維城前軌二篇獻之明皇手詔褒美詔皇太子諸王

於光順門見光庭謝所以規諷意

搖山撰述  
元圖遊從

會要開

元十九年十二月十一日侍中裴光庭上瑤山往則維

城前軌各一卷上以賜太子及慶王

舊紀十二月戊戌  
光庭上各一卷上

今賜太子諸  
王各一本

山海經大荒西經西海之外有搖

山其上有入曰太子長琴顓帝生老童老童生祝

融祝融生太子長琴是處搖山始作樂風

注此山  
多搖木

因名

神異經東明山有宮有銀榜曰天地長男之

宮

唐開元訓誡

實錄開元二十五年八月甲子帝作開元訓誡六篇

開元

御集誠子書即此書也

示諸王其旨蓋明君臣父子之義齊祭稼

穡之事宰臣請宣布中外手詔曰周公戒伯禽無以魯

國驕人朕方聖雖慚敢忘戒子聊示訓庭何足宣布

志小說家開元御集誠子書一卷

唐賜太子仁孝詩

唐天寶八載玄宗製仁孝詩六章札於步障以賜太

子令中官以示朝臣宰相林甫奏曰伏見太子生日撰  
仁孝詩障子并書爰於誕育之日授以仁孝之經望具

寫六章頒示中外編諸史策傳之不朽上手詔從之肅宗

為太子時先是開元二十六年六月庚子立忠王為  
皇太子肅宗以景雲二年九月三日生於東宮別殿

開元十三年三月  
甲午徙封忠王

### 唐龍樓箴

歸登傳父子為侍讀侍順宗於東宮及即位登復為皇

太子諸王侍讀獻龍樓箴以諷一本云正元二十一年  
正月順宗即位登以東

宮恩超拜給事中工部侍郎復為皇太子諸王侍讀獻  
龍樓箴以諷元和四年十月庚寅冊太子癸巳登元  
侍讀

唐五位圖 詩笏

王起傳文宗上文好古學是時鄭覃以經術進起以淳

朴顯

太和七年八月庚寅冊太子制皇太子侍讀委中書門下精擇二人

起為太子侍讀

帝使廣五位圖俾太子知古今治亂帝數訪建時政題

詩太子笏以賜起詔畫像便殿號當世仲尼其寵待如

此唐藝文志有王氏五位圖十卷又有五運圖蓋編

年書也中興館閣書目云王氏五位圖三卷唐開成初判太常卿事王起撰自開闢至唐以五運為序起字舉之

唐教本書

元稹撰

見前

唐太子諸王訓

藝文志儒家丁公著太子諸王訓十卷 傳憲宗時公著為太子諸王侍讀著太子諸王訓十篇

唐王契

見符節類

唐贊道賦

李百藥傳貞觀四年為右庶子作贊道賦以諷 政要  
貞觀五年李百藥為右庶子作贊道賦曰顧三善而必  
弘祇四德而為行每趨庭而聞禮常問寢而資敬邁觀  
喬而望梓既彫且琢溫故知新唯忠與敬曰孝與仁則  
下光四海上燭三辰昔三王之教子兼四時以齒學將



交發於中外乃先之以禮樂惟聖上之慈愛訓義方於至道同論政於漢幄修致戒於京鄙鄙韓子之所賜重經術而為寶自禮賢於秋實足歸道於春卿異洞簫之娛侍殊飛蓋之緣情太宗遣使謂曰所作賦述古來儲貳事以戒太子甚典要朕選卿輔弼正為此事大稱所委因賜廐馬一綵三百左庶子于志寧撰諫苑二十卷諷之

太平興國戒子篇

實錄郭贄傳兼皇子侍讀興國二年遷右補闕一日太宗至東宮出戒子篇命贄注解且令委曲講說以諭諸王

至道朝元殿冊太子 天禧天安殿冊太子

見冊禮類 有唐太極之舊規至道朝元之故事黃麾設仗眡元會之盛儀鱗翼充庭奏明安之雅樂

至道東宮官

天禧

紹興

王友

至道元年八月壬辰以開封尹壽王為太子九月丁卯

朝元殿行冊禮以楊徽之畢士安兼左右庶子喬惟岳

楊礪兼左右諭德夏侯嶠兼中舍李至李沆兼賓客詔

太子見賓客如師傅禮

太子每見必先拜迎降階及門動皆咨詢至有答問政機

至

等入謝上曰太子仁孝賢明賴正人輔之以道卿等盡

心調護動由禮則贊成事未當則力言勿因循面從也

祥符九年正月壬申張士遜崔遵度為壽春王友

仍今

班相王府記室張璠之下

賜犀帶緡錢上作七言詩寵之又賜遵度

金紫

王將授經擇有德方正者佐之初宰相欲以為

翊善記室上曰府屬王皆受拜朕欲今尊禮師友

相見答拜故以王友命之天禧二年進封昇王以王友士遜遵度為諮議參軍晏殊為記室天禧二

年八月庚戌樂黃目兼左庶子張士遜兼右庶子崔遵

度魯宗道兼左右諭德晏殊兼舍人壬子參政李迪密

學王曉兼賓客

黃目出荆南以士遜兼左庶子王隨兼右庶子

四年八月庚寅

士遜為賓客辛卯宗道左諭德馮元右諭德九月壬子

又以林特兼賓客十一月輔臣言東朝設官未備請以

執政大臣兼官寮申羽翼之助

戊辰參政任中正王曾樞副錢惟演兼賓客特

士遜詹事珠左庶子

庚午遂以宰臣丁謂兼少師馮拯兼少傅樞

密使曹利用兼少保

先是七月丙寅李迪為相進兼少傅此宰臣兼宮寮之始也

治

平三年十二月壬寅立太子韓維邵亢兼左右庶子甲辰

王陶蔡抗除詹事元豐七月上諭輔臣曰明年建儲當

以司馬光呂公著為師保政和五年二月十四日

乙巳立太

子强淵明劉炳為賓客七年李彌大兼舍人 紹興三

十一年五月甲子立太子六月己巳張闡為右諭德史

浩為右庶子乾道元年八月九日建儲詹事則蔣芾魏

杞左庶子兼侍讀則知柔左諭德兼侍講則大猷二年

八月任文薦以左庶子兼侍讀七年二月光宗升儲三月王十朋陳良翰詹事李彥穎侍講左諭德劉季裴侍講八年周操詹事林光朝侍讀九年尤袤侍讀開禧三年十一月戊子建儲祭酒戴溪兼太子侍讀十二月起居郎陳希點兼侍講十二月辛酉右相錢象祖兼少傅明年命二相左兼少師右兼少傅越明年右兼少師天禧元年陳靖上言願延揖公台充備師傅庶左右周儲賴旦衷之者德羽翼漢嗣躡園綺之高蹤

至道皇太子謁太廟

至道元年九月二十七日皇太子謁太廟導從如式天禧二年九月十四日癸酉皇太子朝謁太廟冠服如受冊乘金輅設仗如儀三師三少乘車文武官臣乘馬導從禮畢賜從官酒食日左右有赤黃珥黃雲捧日觀者塞路瞻仰欣抃

十三日朝謁  
昭應景靈宮

天禧舊儀無升殿逐室行

禮之文政和四年詔逐宮行禮乘車以三師訓導三少

訓從至道天禧故事乘輅用肉簿以雷文一角螭代龍

飾政和止依常儀乘馬皇太子不敢當盛儀故也乾道亦免乘輅設仗

至道南衙

太祖以儲位寓於京尹太宗自尹踐阼至道元年八月十八日立壽王為太子詔兼判開封府宣和七年十二月二十日詔太子除開封牧賜碾玉龍束帶乾道七年四月二十七日甲子詔太子領臨安府尹

祥符資善堂

詳見堂類



大中祥符八年十二月制授皇子慶國公忠正軍節度

使壽春郡王九年

丙辰歲

二月十八日甲午詔元符觀皇

太子就學新堂宜以資善為名因製記天禧二年正月

上詣元符觀宴宗室于資善堂次日宴羣臣從官于資

善堂召壽春郡王府屬咸預焉出聖製資善堂記其年

二月制行江寧尹進封昇王二年八月甲辰立為皇太

子作元良箴七言十韻詩各一首賜太子又作七言詩

二首賜庶子賓客以下先是祥符七年十二月詔左承

天祥符門內新建觀宜以元符為名蓋緣每歲天慶節  
左承天門設幄陳供為道場以車駕往來喧雜命葺皇  
城司廨宇為觀至是建堂天禧四年徙於宣祐門內東  
廊以北講筵所亦在焉 祥符九年張士遜請以聖製  
資善堂記刻石堂壁從之 仁宗皇祐元年七月壬子  
幸資善堂作詩有曰疇日學文親政地仰懷慈訓倍依  
依

祥符繼照堂

見後

天禧親賢進封賦 冠禮賦

天禧二年

戊午歲

二月丁卯壽春郡王進封昇王

先是祥符七年

甲寅歲二月丁未封慶國公八年十二月辛卯封壽春郡王

晏殊作親賢進封賦曰

燕謀啟兆熊夢開祥分暉日域稟秀星潢陪漢幄以遵  
禮奉堯闈而中式寢門屢至足見於純誠吏牘遙觀蓋  
彰乎敏識接申白以談經越應劉而振藻云云乙酉李  
虛已丁度等以昇邸進封並上詩頌詔獎之 祥符八

年十二月戊寅皇子加冠禮戊子集賢校理晏殊上皇子冠禮賦曰闡崇賢而毓德御宣猷而待賓東明之銀榜彌高西海之瑤山特峻

冠禮事詳見冕服類

天禧元良述

六藝箴

承華要略

勸學吟

天禧二年八月甲辰制立昇王為皇太子癸丑上作元良箴七言十韻詩各一首賜之又作七言詩二首分賜賓客庶子以下三年九月二十二日丙子召近臣宗室于清景殿內出御製賜皇太子元良述六藝箴各一卷

承華要略十卷授時要錄十二卷正說五十篇十卷又以國史兩朝實錄太宗御集緯術秘書經史子集及前後御集并御覽羣書賜太子命從臣徧閱之又作七言十韻詩賜宰相寇準等遂宴于殿內十二月又賜輔臣元良述六藝箴各一卷承華要略十卷帝以青宮紀要事有未備因博采羣言廣為承華要略十卷每篇著贊三年二月作勸學吟 咸平五年召近臣觀書龍圖閣上曰朕在東宮時唯以聚書為急其門已逸者多方

尋求頗有所得今已類成正本但恨校對未精如青宮紀要繼體治民論此一書兩名並列篇目

天禧賜皇太子元良述

與上同

三年九月二十三日召宗室宰臣而下對清景殿出御梨賜皇太子元良述其辭曰祗膺重器克荷徽章必務保其令名蘊其全德欲全其德在修其身欲修其身在於勤其學夫修其身者謹茲語默戒彼端莊動靜之間率遵禮度好尚之際盡去奇邪親賢達之人近忠正之士

聞其美譽則汲汲而思齊聽其良箴則孜孜而為戒勿  
謂小善之無益如滄海之積涓流可以資其廣也勿謂  
少疵之無害如至寶之負纖瑕可以累其質也去繁華  
之玩息縱佚之娛飲食以時興居有節常從儉約聿致  
和平此修身之要也夫勤於學者覃研典籍探賸古今  
讀易則究其幾神誦書則味其訓誥閱詩則辨其諷諭  
觀禮則審其等威諸子百家咸存指趣遺編舊史悉載  
盛衰溫故而知新近思而切問皎如冰鑑可驗於否臧

炳若丹青可占於隆替至於書數之藝文翰之工足助才能常資講習此勤學之要也其於愛民恤下當事寬仁御衆治繁宜遵簡易體仁而及遠崇信而致誠自然今問允昭嘉謨克廣兼四術之益播三善之風云云  
范仲淹有皇儲資聖頌

天禧大禮稱慶合班圖

三年十一月九日辛酉閣門太常禮院上大禮稱慶合班圖皇太子序位在宰相上太子懇辭冠準等面陳儲



副之重不能謙抑凡再請乃許十六日戊辰南郊儀仗  
使錢惟演言正陽門習儀皇太子立樓上御座之西却  
繖扇至太廟門下馬步進至郊壇遙望壇外即下馬謙  
恭之志實遵聖訓昔桓榮以儲宮專精博學謂之國家  
福祐書于史冊詔獎皇太子宣付史館天禧故事皇太  
子稱今受冊畢別日正衙稱謝凡慶會上壽押百寮於  
外殿在三公之上乾道元年朝會合班東壁押班宰臣  
前行立班起居賜宴於宰臣前行坐車駕行幸於駕後

方園子內行馬七年三月二十五日特御紫宸殿引皇

太子稱謝

設仗百官詣宮參賀至道天禧故事朝位在三恪之下王公之上宴則上壽於崇德

殿

康定少陽嘉範

元年九月四日丙辰大理丞王鎮獻少陽嘉範十卷詔

送史館

慶厯青宮懿典

國史志類事王純臣青宮懿典十五卷慶厯中進詔藏

秘閣

嘉祐皇子位伴讀說書

祥符九年二月入內供奉官楊懷玉為壽春郡王伴讀

嘉祐六年十月壬辰英宗為泰州防禦使知宗正寺

癸巳諸王宮侍講王獵為宗正寺伴讀

獵為宮僚十三年有輔導功故

首用

七年八月己卯立為皇子辛巳上悉召宗室入宮

諭以立皇子之意壬午詔於橫門外建皇子位癸未賜

名庚寅請以內香藥庫西偏為皇子位

壬辰以皇城司廨舍為之辛

卯李受為皇子伴讀王獵為說書辛丑皇子入內甲辰  
見上于清居殿自是日再朝于內東門或入侍禁中九  
月乙巳朔封鉅鹿郡公十一月戊辰皇子徙入位壬申

禮院閣門定皇子立班於宗室之前別為一班殿門候

班閣子在使相之下

仁宗決大策建大本雖禹之知啟文之立武不能踰也

六年

英宗即位皇子為光國公

神宗

五月王陶為皇子位伴讀

周孟陽孫思恭為說書

孟陽辭不拜

司馬光請多置皇子宫

屬博選有學行之士日與皇子居處燕游講論道義聳

善抑惡輔成懿德 紹興三十二年八月十六日置皇

子位說書以命何備陳良祐唐堯封

孝宗即位後

嘉泰二年

閏十二月十五日宗子與談授右內率府副率為資善

堂伴讀

先是慶元六年四月十五日京鏜奏更擇一人伴讀上曰當更相度

唐柳晟年

十二代宗養宮中使與太子諸王受學於吳大璣

并子通元率十日輒上所學 徐齊聘善文誥令

侍太子諸王屬文 李泌供奉東宮 真廟使蔡伯希

侍仁宗

周公輔成王使伯禽與之處

仁宗未出閣擇宗室子幼悟

而年相若者使與游處召濮安懿王置禁中旦莫誦讀  
仁宗封壽春郡王命雲韶樂送歸邸

治平封皇子

嘉祐八年十二月乙亥皇子淮陽郡王出閣 治平元  
年六月己亥進封皇子淮陽郡王為潁王祁國公顥東  
陽王鄆國公顥左衛上將軍元豐五年八月壬子皇子  
封延安郡王政和四年二月二十七日皇長子行冠禮  
于文德殿紹興三十年二月甲戌手詔以普安郡王為

皇子賜名丙子進封建王

先是上諭大臣曰普安郡王除少保使相封真王俟正謝

日賜  
玉帶

紹興資善堂翊善贊讀 直講說書

紹興五年六月建國公就傅朱震范冲為翊善贊讀朝

論以為極天下之選

信王就傅亦命近臣為之

寧皇在嘉邸妙選

宮僚黃裳兼翊善陳傅良兼贊讀以詩為壽皆有諷諫

王親書所上詩謝之開禧元年七月皇子初封榮王戎

監趙夢極兼贊讀三年三月禮侍史彌遠兼翊善 直

講宣和元年四月置開禧元年七月初命鄒應龍又置  
說書以命張聲道

紹興東宮

三十二年

五月二十八日詔

孝宗升儲始居東宮在麗正門內

詔討論宮室官屬儀物制度

乾道七年二月二十八日癸丑光宗升

儲

丁酉受冊

孝宗語輔臣曰東宮不須勅建朕宮中宮殿甚

多宜掇移修立由是工役甚省四月庚午領臨安尹

淳熙二年夏始創射堂一為游藝之所

五月十四日詔稱皇太子宮



園中有榮觀玉淵清賞等堂鳳山樓皆燕息之地也

乾道皇孫賜名

元年六月一日皇嫡孫生二十七日百僚表賀三年六月九日封國公賜名五年十一月十二日恭王次男賜名

寧皇也

漢甘露三年成帝生甲觀畫堂為世適皇孫宣帝愛之自名曰鷺唐貞觀十七年十一月二十八日誕皇孫宴宮僚于弘教門永淳元年二月戊午立皇太孫

一云三月十五

日王方慶曰太子在而立太孫載籍未有晉永寧齊永明有太孫官

屬唐永淳開元十四年十月代宗生三日玄宗臨澡之

欲置而止曰一日見三天子樂哉熙祖流聰慧之稱建臨淮之

國元仲表岐嶷之譽啟平原之封綠車赤綬金璽銀券

結慶璿源垂蔭霄極

淳熙東宮小學

紹興三十年孝宗為建王時光宗與莊文魏王就傅以  
王十朋兼小學教授淳熙七年英國公未就傅大理正

王尚之乞選儒臣為東宮小學教授上令討論典故正月二十六日以正字楊輔兼皇太子宮小學教授四月十五日右領軍衛將軍陳龜年以伴讀皇孫孝經論語終篇遷秩十年五月三日詔增置小學教授一員以何澹鄭錡同兼十二年四月二十四日澹及羅點兼皇孫平陽郡王府教授

淳熙議事堂

詳見  
堂類

十四年十一月己亥詔太子參決庶務遠稽貞觀決庶

務於承華近法天禧見輔臣於資善明年正月乙巳又  
詔朝殿令侍立 唐貞觀二十一年五月壬辰命百官  
決事于太子二十三年三月命聽政于金液門龍朔  
三年十月辛巳詔太子五日一至光順門監諸司奏  
事小事決之

慶元資善堂小學

六年四月十五日始置資善堂小學教授以命蕭達叟  
順正時東宮未正名十一月九日詔宗子曦就資善堂授書舊制

賢善堂有翊善等若皇孫則為皇太子宮小學教授至是參用之

### 嘉定東宮規鑒

元年八月二十二日觀文殿學士彥逾乞令東宮講讀官以古今歷代帝王治亂事迹編成一書分十門曰畏天愛民法祖宗聖孝用賢能遠小人勤儉聽言明賞罰謹邊防每事釋其下以東宮規鑒為名從之續書目二十卷詔宮僚曾喚等九人采摭經傳格言帝王懿範釐為十門隨事解釋政和五年葛勝仲兼右諭德

以仁孝學三言各著一論獻之復採春秋戰國以來  
歷代太子善惡成敗之迹日進數事既久遂成一書  
號承華詔嫩云

嘉定御書居仁堂

寧宗朝 景定東宮講堂名新益御書二字

嘉定資善堂會議

元年四月甲寅詔宰執日赴資善堂會議遇朝殿今皇  
太子侍立宰輔兼師傅賓客用天禧故事

天禧四年輔  
臣每會議皇

太子秉笏南面而立中書樞  
密以本司事遞進承令旨

景定皇太子進聖訓

五年十月進七冊上表曰家有嚴君訓誕數於皇極謀  
詒翼子德早毓於青宮宜作宋之一經以繼周之百世  
緝為寶帙冒進玉旒臣竊惟五星聚奎式符建隆乾德  
之創造三聖一道有開祥符天禧之文明導太子諭教  
之規植千歲治安之業記頌資善要舉承華申之頌述  
之諄勤重以箴詩之懇切形於聖製寵有御書迨及承

平之盛時著為非常之鉅典於皇今日益大前猷茲益  
恭遇皇帝陛下聖敬日躋聰明時人有典有則昭昭禹  
子之貽制事制心汲汲湯昆之裕語進德則親師講學  
論治國則脩身齊家六經四子具有階梯五常百行莫  
先孝弟以至視聽言動戒於非禮逸樂遊畋貴於毋皇  
事事存心言言切己寓在帝王筆舌無非經籍陶鈞臣  
佩服不忘珍儲甚富肆卷當加於編集萬年足示  
於鑑觀歷龜吉以紓忱瞻龍顏而奉表道知君父



式同教世子之篇福錫人民莫匪叙彝倫之效二  
十日降付秘書省收掌 尚書大傳太子年十八  
曰孟侯孟侯者於四方諸侯來朝迎於郊者問其  
所不知也問人民之所好惡土地所生山川所有  
無及父在時皆知之鄭玄注十八嚮入大學為成  
人博問庶事 韓詩外傳自唐虞已上經傳無太  
子稱號夏殷雖傳嗣其文畧矣至周始見文王世子  
之制

禹有典則貽厥子孫文有不謨啟佑後人 文王世子  
主於教世子而國之士亦及焉王制主於教造士而王  
太子王子亦預焉 嗜魚不進求玦莫從有王褒之獻  
箴無卞蘭之奉賦搖山益峻少海增深 有竊桐之戲  
則隨事箴規違侍養之方則應時諫止 開望苑以延  
賓賦洞簫而虞侍進異端事浮靡 南陽辨牘銅龍避  
道 居肅成而講藝開博望以招賢 賈誼治安之策  
言忠而道疎義府承華之箴言切而心詐元稹教本之

書言華而要寡用智囊為家令則輔之非其人開

博望延賓客則處之非其地 漢幄朝無怠周門

夕復趨桓經既受業賀肆且尊儒徐陵肅成通甲

觀承華啟畫堂江總重輪依紫極前耀奉丹霄

虞世南乾象開層宇離明啟少陽凌漢帝掩周王

珠壁連霄漢萬物仰重光韓王元嘉前星涵瑞采沕雷揚

遠聲三善傳樂正百行紀司成劉孝威帝體麗明儀辰

作貳君彼東朝金昭玉粹顏延年業隆三善道兼四學

繼明承序于以顯守祧之貴廟趨郊見于以彰率禮之  
教授經齒學所以崇道義之則安車金璽所以異車服  
之等 易述主器之義書紀元良之重前星少海之象  
著乎宮厚撫軍監國之任備于出處 敏足以對長安  
之日智足以辨陳留之牘 波澄少海景麗前星

上當天意下應人心雖夏后建儲周王繼嗣不之及也

玉海卷一百二十九